

古今圖書集成

中国学术类编

礼仪典
中
(六)



欽定古今圖書集成經濟彙編禮儀典

第一百九十四卷目錄

山川祀典部彙考六

元一世祖中統一則至元十六則成宗元貞一則
 皇慶一則延祐一則英宗至治二則泰定泰定四則致和一則文宗天曆二則
 至順二則順帝至正四則

皇清
明
太祖
一則
成祖
一則
世宗
一則
穆宗
一則
康熙
一則
乾隆
一則
嘉慶
一則
道光
一則
咸豐
一則
同治
一則
光緒
一則
宣統
一則

山川祀典部彙考七

禮記 王制 月令 禮記

禮儀典第 百九十四卷

山川祀典部彙考六

元

世祖中統二年七月遣使祀嶽瀆十月復遣道士贊
洞春代祀東海廟

按元史世祖本紀中統二年秋七月乙丑遣使持香幣祀嶽瀆冬十月辛卯遣道士曹洞春代祀東海廣德王廟按祭祀志嶽瀆代祀自中統二年始凡十有九處分五道後乃以東嶽東海東鎮北鎮爲

東道中嶽淮濟濟瀆北海南嶽南海南鎮爲南道北嶽西嶽后土河瀆中鎮西海西鎮江瀆爲西道旣而又以驛騎迂還復爲五道道遣使二人集賢院奏遣漢官翰林院奏遣蒙古官出璽書給驛以行中統初遣道士或副以漢官

祀嶽瀆

按元史世祖本紀至元三年秋七月丙午遣使祀五嶽四瀆 按祭祀志至元三年夏四月定歲祀嶽鎮海瀆之制正月東嶽鎮海瀆土王日祀泰山於萊安州沂山於益都府界立春日祀東海於萊州界大淮於唐州界三月南嶽鎮海瀆立夏日遙祭衡山土王日遙祭會稽山皆於河南府界立夏日遙祭南海大江於萊州界六月中秋嶽鎮土王日祀嵩山於河南府界霍山於平陽府界七月西嶽鎮海瀆土王日祀華山於華州界吳山於隴縣界立秋日遙祭西海大河於河中府界十月北嶽鎮海瀆土王日祀恆山於曲陽縣界暨至閏於遂陽廣寧路界立冬日遙祭北海於登州界濟瀆於濟源縣祀官以所在守土官爲之既有江南乃罷遙祭

至元四年春正月癸丑勒封皆木土山爲武定山其神曰武定公泉爲靈淵其神曰靈淵侯夏四月辛未遷使祀嶽瀆

按元史世祖本紀云云

至元十一年立河濱廟遣使代祀

按元史世祖本紀至元十二年二月甲辰立河濱等廟於河中解州洪洞趙城庚午命怯薛丹察罕不花

侍儀副使關思義眞人李德和代祀嶽瀆

至元十三年五月遣使祀嶽瀆七月復祀之

按元史世祖本紀至元十三年五月乙未遣使代祀
嶽瀆秋七月丙辰遣使持香幣祠嶽瀆

至元十四年二月祀嶽瀆五月祀濟瀆七月加廣源王等封號

按元史世祖本紀至元十四年二月甲子遣使代祀嶽瀆五月乙卯命真人李德和代祀濟瀆秋七月丁

已回水竈淵聖廣源王加封善佑常山靈濟昭應王
加封廣惠安丘荀泉靈瀋侯追封靈瀋公

至元十五年正月賜金沙泉名爲瑞應八月制封泉州神女號

按元史世祖本紀至元十五年春正月賜湖州長興縣金沙泉名爲瑞應泉金沙泉不常出唐時用此水

造紫筍茶進貢有司具牲幣祭之始得水事訖輒涸
宋末屢加浚治泉迄不出至是中書省遣官致祭一

夕水溢可溉田千畝安撫司以事聞故賜今名八月
制封泉州神女號護國明著靈應協正善慶顯濟天

一八六四年五月二日

按元史世祖本紀云云

至元二十一年五月辛巳加封衛輝路小清河神曰

淇濟感惠王

按元史世祖本紀云云

至元二十二年春正月甲申遣使代祀五嶽四瀆東

海二月加封秦乾河神洪濟公爲顯應洪濟公冬十

月甲辰修南嶽廟

按元史世祖本紀云云

至元二十三年遣使祀嶽瀆東海

按元史世祖本紀至元二十三年春正月壬午太陰

犯軒轅太民遣使代祀嶽瀆東海

至元二十六年春正月辛丑遣使代祀嶽瀆東南海

按元史世祖本紀云云

至元二十七年春正月丁巳遣使代祀嶽瀆海神九

月辛亥修東海廣德王廟

按元史世祖本紀云云

至元二十八年遣官持香礬中嶽南海淮瀆定嶽瀆

四嶽祀禮加封典

按元史世祖本紀至元二十八年二月己卯遣官

持香詣中嶽南海淮瀆致禱丁酉詔加嶽瀆四海封

號各遣官詣祠致告 按祭祀志至元二十八年正

月帝謂中書省臣言曰五嶽四瀆祠事朕宜親往迺

遠不可大臣如卿等又有國務宜遣重臣代朕祠之

漢人選名儒及道士習祀事者其禮物則每歲歲祀

銀香合一重二十五兩五錢組金幡二鈔五百貫四

演織金幡二鈔二百五十貫四海五鎮鎮金幡二鈔

二百五十貫至則守臣奉詔使行禮皇帝登寶位遣

官致祭降香幡令如前禮惟各加銀五十兩五鎮各

中統鈔五百貫四瀆四海五鎮各中統鈔二百五十

貫或他有所禱亦如之其封號至元二十八年春二

月加上東嶽爲天齊大生仁聖帝南嶽司天大化昭

聖帝西嶽金天大聖帝北嶽安天大員元聖帝

中嶽中天大聖帝聖帝加封江瀆爲廣元順濟王河

瀆靈源弘濟王淮瀆長源濟濟王濟瀆清源善濟王

東海廣德靈惠王南海廣利靈孚王西海廣潤靈通

王北海廣澤靈祐王

按續文獻通考時東平布衣趙天麟上疏曰臣聞天

子祭天地及天下之名山大川諸侯祭社稷及名山

大川之在其地者大夫祭五祀士祭宗廟庶人祭祖

考于廟上得兼下不得僭上皆有制以節之今國

家稱秩元祀咸秩無文既有禮部及太常司侍儀司

以備其節文又詔令所在官司歲時致祭五嶽四瀆

名山大川歷代聖明王忠臣節士之載在祀典者

皆其宜也竊見方今小民不安常典妄事鬼神其類

甚多不可枚舉夫東嶽者太平天子告成之地東方

舊侯當祀之山今乃有倡優戲謔之徒貨殖屠沽之

子每年春季四方雲聚有不遠千里而來者有提挈

全家而至者干越邦典渾渾神明停廢產產耗損食

貨亦已甚矣昔季氏魯國之上卿旅於泰山孔子猶

欲其宰殺之況小民之賤乎大人之教不以名器分

之則將奈矣小民之心不以名器繩之則將恣矣况

淫祀者事神之誠極寡希福之貪甚多且父慈子孝

何用焚香上安下順何須幣幣不焚則雖竭天下之

香繼燭而焚之罄天下之楮爲幣而焚之臣知其斷

無益矣然而聖人立祀禮者報其實然之本行吾當

然之義也伏望陛下申明前詔使天下郡縣官各祭

名山大川聖明王忠臣節士在其地者凡下民當

祭之神如祖考及門庭戶竈等聽之凡非典所當祀

而祀者祭之無令妄瀆凡祈神賽社稷酒釐肉飾立

神像泥金鑲木者禁之無令妄費如是則非但巫風

廢消抑亦富民一助

至元二十九年二月遣使代祀嶽瀆四海

按元史世祖本紀云云

至元三十年正月丁亥遣使代祀嶽瀆東海

按元史世祖本紀云云

成宗元貞二年二月遣使代祀嶽瀆

按元史成宗本紀云云

大德元年六月諸王也里干遣使祀嶽瀆命追之

按元史成宗本紀大德元年六月甲午諸王也里干

遣使乘驛祀五嶽四瀆命追其驛券仍切責之

大德二年二月禁諸王駙馬祀嶽瀆海瀆三月加封

四鎮

按元史成宗本紀大德二年二月癸未詔諸王駙馬

毋擅祀嶽瀆海瀆三月壬子詔加封東鎮沂山爲元

德東安王南鎮會稽山爲昭德順應王西鎮吳山爲

成德未靖王北鎮晉州山爲貞德廣寧王歲時與

嶽瀆同祀著爲令式

武宗至大元年三月遣使祀五嶽四瀆名山大川

按元史武宗本紀云云

仁宗皇慶 年始歲遣使祭南海女神靈惠夫人

按元史仁宗本紀不載 按祭祀志南海女神靈惠

夫人皇應以來歲遣使齋香備祭令轄一合銀一錠付平江官漕司及本府官用柔毛酒醴便服行事祝文云維年月日皇帝特遣某官等致祭於護國庇民廣濟福惠明著天妃
延祐四年冬十月遣御史大夫伯忽參知政事王桂祭陝西嶽鎮名山
按元史仁宗本紀云云
英宗至治元年遣使祀海神天妃
按元史英宗本紀至治元年五月辛卯海濱糧至直沽遣使祀海神天妃
至治三年二月海濱糧至直沽遣使祀海神天妃
按元史英宗本紀云云
泰定帝泰定元年加封廣德路張真君軍國路廣惠王神號並遣使致祭嶽鎮海神
按元史泰定帝本紀泰定元年二月加封廣德路祠山神張真君曰普濟軍國路廣惠王曰福祐
按續文獻通考泰定元年遣使代祀嶽鎮又以鹽官州海水溢遣使祀海神
泰定二年八月遣使祀嶽鎮山川又祀龍虎武當二山
按元史泰定帝本紀泰定二年八月辛丑遣使代祀嶽鎮名山大川
按續文獻通考是年遣使代祀龍虎武當二山
泰定三年三月遣使分祀山川嶽鎮七月祀海神八月作天妃宮十一月加封廣陵江神
按元史泰定帝本紀泰定三年三月乙巳朔帝以不雨遣使分祀五嶽四瀆名山大川及京城寺觀秋七

月甲辰遣使祀海神天妃八月辛丑作天妃宮於海津鎮鹽官州大風海溢遣使祭海神十一月戊午加封廣陵江神曰顯應
泰定四年七月祀海神閏九月命祭嶽鎮山川十月改封烏龍山神
按元史泰定帝本紀泰定四年秋七月乙丑遣使祀海神天妃閏九月甲戌命致祭五嶽四瀆名山大川冬十月甲辰改封建德路烏龍山神曰忠顯靈澤普佑孚惠王
致和元年春正月遣使祀海神天妃加封幸瀾龍神三月復祀海神四月改封蒙山神鹽池神及洞庭廟神
按元史泰定帝本紀致和元年春正月甲申遣使祀海神天妃加封幸瀾龍神福應昭惠公三月甲申遣戶部尚書李家奴往鹽官祀海神仍集議修海岸夏四月甲寅改封蒙山神曰嘉惠昭應王鹽池神曰靈富公洞庭廟神曰忠惠顯利靈濟昭佑王
文宗天曆元年九月壬戌遣使祭五嶽四瀆
按元史文宗本紀云云
天曆二年遣使代祀天妃及嶽鎮山川
按元史文宗本紀天曆二年冬十月己亥加封天妃為護國庇民廣濟福惠明著天妃賜廟額曰靈慈遣使致祭遣使代祀嶽鎮山川十一月戊午遣使代祀天妃
至順二年冬十月甲辰遣使齋香大監王珪等代祀嶽鎮海瀆后土
按元史文宗本紀云云

至順三年六月癸丑遣使分祀嶽鎮海瀆
按元史文宗本紀云云
順帝至正二年春正月癸巳遣翰林學士三保等代祀五嶽四瀆
按元史順帝本紀云云
至正九年九月遣御史中丞李獻代祀河瀆
按元史順帝本紀云云
至正十四年冬十月甲辰詔加號海神為輔國護聖庇民廣濟福惠明著天妃
按元史順帝本紀云云
至正二十一年黃河清命程徐祀之
按元史順帝本紀至正二十一年十一月戊辰黃河自平陸三門積下至孟津五百餘里皆清凡七日命秘書少監程徐祀之
明
太祖洪武元年始建山川壇
按明會典國初建山川壇於天地壇之西正殿七間祭太歲風雲雷雨五嶽五鎮四海四瀆鎮山之神東西廡各十五間祭京嶺山川春夏秋冬四季月將及都城隍之神壇西南有先農壇東有旗幟廟南有籍田
洪武二年始定嶽鎮海瀆山川之祀
按春明夢餘錄洪武二年以嶽鎮海瀆山川諸神止合祀於城南諸神享祀之所未有壇壝等祀非隆敬神祇之道命禮官考古制以開禮官奉嶽鎮海瀆之祀虞舜以四仲月巡狩而祭四嶽東嶽曰泰山四嶽之宗也故文曰岱宗南嶽曰衡山西嶽曰華山北嶽

曰倭山而未言五嶽王制曰天子祭天下名山大山川五嶽四瀆始有五嶽之稱蓋以中嶽嵩山並列又周官小宗伯兆四望於四郊鄭元謂四望爲四嶽四瀆四瀆者江河淮濟也四嶽者東曰沂山西曰吳山南曰會稽北曰醫巫閭時又曰巡狩而祀四嶽河海則又有四海之祭蓋天子方望之祀無所不通而嶽鎮海瀆在諸侯封內諸侯亦各以其方祀之秦罷封還嶽鎮皆領於祀官及漢復建諸侯則侯國各祀其封內山川天子無預焉武帝時諸侯或分或廢五嶽皆在天子之邦宣帝時嶽鎮始有使者持節祀之禮由魏及隋嶽鎮海瀆皆即其地立祠命有司致祭唐宋之制有命本界刺史縣令之祀有因郊祀而望祭之祀又有違祭之祀元遣使祭嶽鎮海瀆分東西南北中爲五道其天下山川之祀虞書望於山川徧於羣神周頌曰懷柔百神周禮小宗伯兆山川丘陵墳衍各因其方王制凡山川之小者其祭秩視伯子男劉向謂山川能生物出雲雨施潤澤品類以百數故視伯子男其在諸侯封內者諸侯又自祭之如楚祭雉潭晉祭惡池齊祭配林是也秦罷封還則皆領於祠官焉由漢唐以及宋元嶽鎮海瀆之外又有其餘山川之祀不獨嶽鎮也今國家開創之初書以嶽鎮海瀆及天下山川與太歲風雲雷雨城隍合爲一壇春秋祀之詔可

洪武三年合祀泰山於山川壇始正嶽鎮海瀆封號

按明會典東嶽泰山洪武三年春秋合祀於山川壇又是年正嶽鎮海瀆城隍諸神合祀太歲月將風雲雷雨嶽鎮海瀆山川城隍諸神又令每歲用驚蟄秋分各後三日遣官祭山川壇諸神是日上皮弁服御奉天殿降香中殿坐殿上獻官復命解嚴還宮

按日知錄洪武三年六月癸亥詔曰五嶽五鎮四海四瀆之封起自唐世崇名美號歷代有加在朕思之則有不然夫嶽鎮海瀆皆高山廣水自天地開闢以至於今英靈之氣萃而爲神必皆受命於上帝幽微莫測豈國家封號之所可加蓋禮不經其此爲甚至如忠臣烈士雖可加以封號亦惟當時爲宜夫禮所以明神人正名分不可以僭差今宜依古定制凡嶽鎮海瀆並去其前代所封名號止以山水木石名其神郡縣城隍神一體改正歷代忠臣烈士亦依當時初封以爲實號後世溢美之稱皆與革去庶幾神人之際名正言順於禮爲當用稱朕以禮事神之意其東嶽祝文曰神有歷代之封號予詳之再三畏不敢效可謂卓絕千古之見

按春明夢餘錄是年夏六月始正嶽鎮海瀆及各城隍等稱號惟孔子之封不改遂詔爲制一五嶽之神稱東嶽泰山之神中嶽嵩山之神西嶽華山之神北嶽恆山之神南嶽衡山之神一五鎮稱東鎮沂山之神南鎮會稽山之神中鎮霍山之神西鎮吳山之神北鎮醫巫閭山之神一四海稱東海之神南海之神西海之神北海之神一四瀆稱東瀆大淮之神南瀆大江之神西瀆大河之神北瀆大濟之神一各處府

州縣城隍稱某府城隍之神稱某州城隍之神某縣城隍之神一歷代忠臣烈士並依當時初封名號祿某之神餘祠無功於民不應祀典者一切禁罷降詔云五嶽五鎮四海四瀆之封起自唐世崇名美號歷代有加瀆祀不經其此爲甚至於忠臣烈士雖可加以封號亦惟當時爲宜今依古定制凡嶽鎮海瀆並去前代所封名號山水以山水木石名其神郡縣城隍神一體改正歷代忠臣烈士亦依當時初封以爲實號後世溢美稱皆與革去其孔子明先王之要道爲天下師以濟後世非有功一方一時者比所有封爵仍因其舊遂爲今未幾復降詔注凡府州縣新官到任必先宿齋城隍廟謁神與誓在陰陽表裏以安下民而祠祀之文禮儀之詳備載大明集禮

洪武七年令禮部頒祭嶽鎮海瀆儀於所在有司

按明會典嶽鎮海瀆東嶽泰山山東泰安州祭西嶽華山陝西華陰縣祭中嶽嵩山河南河南府祭南嶽衡山湖南衡州府祭北嶽恆山直隸真定府祭東鎮沂山山東青州府祭西鎮吳山陝西鳳州祭中鎮霍山山西平陽府祭南鎮會稽山浙江紹興府祭北鎮醫巫閭山遼東祭東海山東萊州府祭西海山西蒲州祭南海廣東廣州府祭北海河南懷慶府祭江瀆四川成都府祭河瀆山西蒲州祭淮瀆河南南陽府祭濟瀆河南懷慶府祭

按圖書編洪武七年令祭山川諸神於春秋仲月上旬擇日復又以孟春郊祀時諸神既祭壇內一定以仲秋祭社後擇日祭

洪武十年令山川等七壇上親行禮餘以功臣分祀

按明會典云云

洪武十四年令祀山川以文職長官行禮

按明會典洪武十四年令在外祭山川等神以文職長官一員行禮武官不預如軍民指揮使司則從本司行之

洪武二十一年令山川於仲秋一祭

按明會典洪武二十一年各設壇於大祀殿以孟春從祀山川壇惟仲秋一祭

成祖末祭五年遣王羽祭神本山立祠建碑

按大政紀末祭五年三月甲子督木工部尚書宋禮奏有大木數株不藉人力一夕出大谷達於江蓋川之靈相之賜其山名神木山遺禮部郎中王羽致祭建祠立碑命侍讀胡廣撰碑文

末祭六年勅皇太子攝祭山川

按明會典永樂六年駕幸北京東宮監國凡山川之神預期勅皇太子攝祭

末祭八年二月祭居庸山

按大政紀末祭八年二月己酉車駕次龍虎臺進行在太常寺少卿朱焯祭居庸山

末祭十八年建山川壇

按明會典永樂中建山川壇位置陳設悉如南京舊制惟正殿鐘山之右增祀天壽山神廟用黑色加爵簋各一

按春明夢餘錄山川壇在正陽門南之右末祭十八年建壇以垣牆周圍六里

年宗弘治元年令太嶽太和山油燭香炷布政司照例應支

按明會典弘治元年令湖廣太嶽太和山祀神油燭香炷布政司照例每三年一次於夏稅內酌量派收陸續送山應支

世宗嘉靖 年陳萊請正嶽鎮祀典

按續文獻通考嘉靖初科臣陳萊題請正嶽祀略曰真定府曲陽縣有北嶽恆山廟為朝廷扶祀之所及查其實恆山在迤北澤源州南北相去甚遠俗傳曾有飛石一方自恆山坎中飛來墜於曲陽故立廟祀今其廟扁有飛石殿臣竊疑之臣考嘉靖十有一月巡狩至於北嶽周禮載恆山為并州之鎮水經謂北嶽為元嶽天文志大梁析木以負北海其神主恆山三代而下歷漢唐隋俱於此致祭石晉失燕雲十六州之地未能混一北為契丹所據無緣至幽薊之域而觀所謂北嶽者所以止得祭之於曲陽詭言飛石之謬以粉飾其削弱之迹耳然宋都汴而真定在汴京之北以為北門不得已權宜祭之猶之可也我太祖高皇帝統一華夏奄有萬方首定嶽鎮海濱之號但時都金陵真定迎在京師之北所以因循未會釐正我成祖文皇帝建都北平而真定已在京師之南使當時有禮官建明顯有南面而登壇宋人削弱之迹故臣因此而論及五嶽焉臣觀祀典載嵩山中嶽在河南登封縣泰山東嶽在山東泰安州衡山南嶽在湖廣衡山縣華山西嶽在陝西華陰縣祠祀皆近在本山之麓而恆山北嶽則即此大同府東南澤源州是也今不惟北嶽之祀缺謬而東嶽行祠遍天下尤為惑妄乞將澤源州北嶽恆山定為扶祀之所其廟制量加修拓以後凡違告祈諸皆詣此致祭其

曲陽祠廟但令有司致祭飛石殿扁并令改撤凡東嶽行祠除京師及齊魯之境外其餘量改舊院社學仍不許加修初建以昭皇上釐正典禮之盛則治道幸甚

嘉靖八年定親祀山川服皮弁

按明會典嘉靖八年令凡親祀山川等神皆用皮弁服行禮以別於郊廟先是改山川為中祀嘉靖中凡山川皆天子親祀國有大事則遣官祭告

嘉靖十年號鐘山曰神烈山

按明會典嘉靖十年建天神地祇壇於先農壇之南天神在左南向地祇在右北向附祖陵墓運山皇陵翊聖山顯陵純德山神於地祇壇并號鐘山曰神烈山

嘉靖十一年改山川壇為天神地祇壇

按明會典神祇壇國初建山川壇於天地壇之西末樂中北京山川壇成嘉靖十一年即其地為天神地祇壇神壇方廣五丈高四尺五寸五分四出陛各九級總牆方二十四丈高五尺五寸厚二尺五寸櫺星門六正南三東西北各一內設雲形青白石龕四於壇北各高九尺二寸五分祇壇面闊十丈進深六丈高四尺四出陛各六級總牆方二十四丈高五尺五寸厚二尺四寸櫺星門亦如神壇內設青白石龕山形三水形二於壇北先擬設於壇南北向後改各高八尺二寸左從位山水形各一於壇東右從位山水形各一於壇西各高七尺六寸又令神祇壇三年一親祭

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百

地祇壇祭期歲仲春秋上旬擇日行事今定上巳日
 獻官齋戒省牲並同社稷儀注正祭日將行禮起鼓
 初獻通庭庭燎香燭鼓再獻執事者各序立於兩階
 鼓三獻贊引引各獻官立於行禮通贊唱執事者各
 司其事陪祭官各就位獻官就位迎神鞠躬拜興拜
 興拜與拜興平身集帛行初獻禮贊引唱詣盥洗所
 揖旁出旁詣酒罍所司爵者舉爵酌酒詣境內山川
 神位前跪揖旁贊引唱爵出旁俯伏興平身詣讀祝
 位跪通贊唱衆官皆跪贊引唱讀祝通引同唱俯伏
 興平身贊引唱復位通贊唱行亞獻禮贊引唱詣酒
 罍所司爵者舉爵酌酒詣境內山川神位前跪揖旁
 贊引唱爵出旁俯伏興平身復位通贊唱行終獻禮贊引
 唱詣酒罍所司爵者舉爵酌酒詣境內山川神位前
 跪揖旁贊引唱爵出旁俯伏興平身復位通贊唱飲福受
 胙贊引唱詣飲福位揖旁跪飲福酒受胙出旁俯伏
 興平身復位通贊唱鞠躬拜興平身微饌送神鞠躬
 拜興平身讀祝者捧祝進帛者捧帛各詣燎所望燎
 贊引唱詣望燎位通贊唱焚帛禮畢
 嘉靖十八年南巡祭嶽瀆之神
 按明會典嘉靖十八年南巡經過處所其定望祭北
 嶽恆山之神用牛犢羊豕上具常服行禮如常儀五
 府九卿巡撫大臣吉服陪拜衛輝進官祭濟瀆之神
 用太牢鈞州望祭中嶽嵩山之神用牲饋俱翰林院
 撰祭文禮如北嶽南陽進官祭五當山之神用牲饋
 俱翰林院撰祭文
 禮宗隆慶二年進官祭西嶽西嶽
 按續文獻通考隆慶二年六月以陝西地質命撫臣

張社告祭西嶽華山西嶽吳山之神
 隆慶三年三月進官祭東嶽八月以水災遣官告祭
 河濟嶽鎮諸神
 按續文獻通考隆慶三年三月遣太常寺官祭東嶽
 泰山之神八月以洪水為患命總督河道都御史翁
 大立祭大河水濟之神巡撫鳳陽等處侍郎趙孔昭
 祭大江水淮之神巡撫山東都御史姜廷願祭東嶽
 泰山東嶽沂山之神巡撫都御史谷中盛祭東海南
 鎮會稽之神巡撫保定都御史朱大器祭北嶽恆山
 之神
 皇清
 大清會典順治初定
 天神
 地祇壇在正陽門南以
 嶽鎮海瀆陵山京麓天下名山大川之神為地祇
 歲有常祭今每歲常祭俱備惟遇旱澇遣官
 致祭
 一遣官致祭由禮部題請
 一前期一日太常寺官用白紙糊版書祝文

送至壇內神庫奉安如常儀
 一陳設
 五嶽
 五鎮
 啓運山
 天柱山
 隆業山
 昌瑞山
 四海
 四瀆
 京畿名山大川天下名山大川共為八壇禮神制
 帛二十五青三黃二黑七白十紅三菓品五鹿
 醴醢酒罍一
 一祭日贊引官對引官導承祭官詣盥洗所盥
 手畢導至拜位前立典儀唱執事官各司其事
 贊引官贊就位承祭官就位立典儀唱迎神
 贊引官贊陞壇導至
 神位前立贊跪上香承祭官跪司香官跪進於案
 左承祭官上柱香又三上塊香畢與贊復位贊
 跪叩頭承祭官行三跪九叩頭禮典儀唱贊
 甫行初獻禮執事官於各
 神位前分獻獻帛官一跪三叩頭退獻爵官不叩
 獻畢讀祝官詣祝案前一跪三叩頭讀祝祝版立
 贊引官贊跪承祭官讀祝官皆跪典儀唱讀祝
 讀祝官讀畢與贊跪祝版跪安帛匣上三叩頭退
 贊引官贊叩興承祭官行三叩頭禮典儀唱
 行亞獻禮與初獻同獻畢與贊唱行終獻禮與

亞獻同獻舉典禮唱送神贊引官贊跪叩頭承
祭官行三跪九叩頭禮典與儀唱捧祝帛各詣
燎位承祭官轉立東旁俟祝帛過訖復燎位立
贊引官贊詣燎位承祭官至燎所祝帛焚半
贊引官贊禮畢各退
凡各處鎮海濱恭遇
登極親政增加
徵號冊立
東宮一應慶賀大典頒布
恩詔必遣官分行祭告每年仍令有司以時致祭其
餘山川載在祀典者俱令有司歲時致祭
東嶽泰山山東泰安州祭
西嶽華山陝西華陰縣祭
中嶽嵩山河南登封縣祭
南嶽衡山湖南衡山縣祭
北嶽恆山山西渾源州祭
東鎮沂山山東青州府祭
西鎮吳山陝西醜州祭
中鎮霍山山西霍州祭
南鎮會稽山浙江會稽縣祭
北鎮醫巫閭山遼東廣寧衛祭
東海山東萊州府祭
西海山西蒲州祭
南海廣東廣州府祭
北海河南濟源縣祭
河濱山西蒲州祭
江濱四川成都府祭

淮濱河南唐縣祭
濟濱河南濟源縣祭
一內閣撰擬祭文
一工部造香亭單袱轎袱等項
一戶部備降真香速香等項
一太常寺備制帛
一遣內閣宗人府翰林院詹事府六部都察院
卿寺鑾儀衛等衙門滿漢侍郎以下四品以上
堂官開列職名具題
欽點差往致祭
一欽天監選擇吉日先期致齋一日至期早禮
部太常寺官陳設祭文香帛於中和殿恭請
皇上履殿闕畢遣行
一祭品牛一羊一豕一豮二蓮豆各十簋夏各
二酒燭俱行該地方司府官備辦
一咨直隸巡撫
一照會江南浙江山東山西河南陝西湖廣四
川廣東各布政司
一劉山海道
順治三年
大清會典順治三年題准特封
黃河神爲顯佑通濟金龍四大王之神
運河神爲延休顯應分水龍王之神令河道總督
致祭祭文內院撰給祭品地方官備辦
順治八年
大清會典順治八年以親政遣官祭告嶽鎮海濱
是年恭上

昭聖慈禧皇太后尊號遣官祭生凡七員
一差陝西四川等處
西嶽
西鎮
江濱
一差山東等處
東嶽
東鎮
東海
一差河南等處
中嶽
北海
濟濱
淮濱
一差江南湖廣等處
南嶽
一差浙江廣東等處
南鎮
南海
一差直隸山西等處
北嶽
中鎮
西海
河濱
一差遼東
北鎮
康熙六年

經濟彙編禮儀典第一百九十四卷山川祀典部

古今圖書集成

大清會典康熙六年

皇上親政七月遣官祭告嶽鎮海瀆等八處凡八員
南鎮南海分爲二差餘如舊

康熙十四年

大清會典康熙十四年冊立

東宮遣官祭告嶽鎮海瀆

山東嶽鎮海三遣官一員

陝西嶽鎮二四川瀆一遣官一員

河南嶽鎮海瀆四遣官一員

湖廣嶽一廣東海一遣官一員

山西嶽鎮海瀆四遣官一員

浙江鎮一遣官一員

廣東鎮一遣官一員

直隸聖祭二遣官一員

康熙十六年

大清會典康熙十六年以長白山係

祖宗發祥重地嶽鎮倒封爲長白山之神每年春秋

二祭令寧古塔將軍遣官在吳喇地方設帳望

祭如遇吉禮遣官祭告五嶽五鎮亦遣官至吳

喇地方望祭與北鎮爲一差其祭文由翰林院

撰擬應用犧牲器皿帳幔等項俱

盛京禮工二部備辦

康熙十八年

大清會典洞庭湖神康熙十八年議准封爲洞庭湖

之神遣官齋香場前往讀文致祭祭文由翰林

院撰擬香帛由太常寺備辦還禮部司官前往

致祭一應禮儀俱照黃河神例行

康熙十九年

大清會典天妃康熙十九年議准封爲護國庇民妙

靈昭應弘仁普濟天妃遣官獻香帛讀文致祭

祭文由翰林院撰擬香帛由太常寺備辦還禮

部司官前往致祭一應禮儀俱照黃河神例行

康熙二十年

大清會典康熙二十年滇南湯平遣官祭告嶽鎮海

瀆分嶽鎮海瀆爲八差於所遣正祭各官外每

處遣看守香帛祭文官各一員於禮部太常寺

筆帖式內移取又每差給黃緞傘一柄御仗一

對肅一對欽差牌一對

康熙二十二年

大清會典雞公山神康熙二十二年覆准以兵駐未

與雞公山神顯應焚香素饌供奉讀文致祭寺

門懸掛

勅建牌匾內有

眞武之神現在祀典封爲

北極佑聖眞君亦供獻香帛讀文致祭其香帛由

太常寺備辦還禮部司官一員前往致祭仍令

該地方官每年春秋二次致祭

康熙二十三年

大清會典康熙二十三年

皇上東巡於泰安州嶽廟致祭

東嶽泰山之神前期太常寺題讀祝官祝文由

內閣撰擬發太常寺用白紙糊版黃紙錄繕呈

書不填

御名太常寺官具補服捧送廟中安設祝案上其

神位前陳設禮神制帛一青色圓降眞柱香一炷

黃連香一觔白磁爵三由太常寺預備牛一羊

一豕一豎一銅二簋二簋二簋十豆十酒一尊

燭二對燈十盞由地方官預辦陳設畢禮部太

常寺堂官奏請

皇上躬詣行禮

上降輦儀仗全設扈從王以下內大臣侍衛文武官

三品以上及地方文官知府以上武官副將以

上俱陪祀其餘文武各官俱於

行宮前兩旁跪送

上入廟至二門降輦贊引官對引官導

上入殿中門至拜位前立典儀唱執事官各司其事

贊引官奏就位

上就拜位立典儀唱迎神司香官捧香盒前進贊引

官導

上詣香案前立司香官跪於

上右贊引官奏上香

上舉柱香上爐內又三上塊香畢贊引官奏復位

上復拜位立贊引官奏跪叩興

上行二跪六叩頭禮興陪祀王以下各官俱隨行禮

畢典儀唱焚帛行初獻禮捧帛官至

神位前奠帛三叩頭退次捧爵官至

神位前立獻爵畢次讀祝官至祝案前一跪三叩

頭捧祝版就案旁立贊引官奏跪

上跪陪祀王以下各官及讀祝官俱跪贊引官贊讀

祝讀祝官讀畢捧祝文至

神位前跪安帛匣內三叩頭退贊引官奏叩興

上行三叩頭禮與陪祀王以下各官俱隨行禮畢

儀唱行亞獻禮捧爵官獻爵於左如初獻儀與

儀唱行終獻禮捧爵官獻爵於右如亞獻儀與

儀唱送神贊引官奏跪叩與

上行二跪六叩頭禮與陪祀王以下各官俱隨行禮

畢與儀唱捧祝帛恭陪燎位捧祝帛官至

神位前跪捧祝帛三叩頭司香官跪取柱香不叩

伏次捧送燎位

上轉立東旁俟祝帛香過仍復拜位立祝帛焚半贊

引官奏禮畢

上陞轎還

行宮不陪祀文武各官俱於官前排班跪迎候

駕過各退

又是年東巡遣官祭告嶽鎮海瀆等處其應差

各官開列俱題

欽點併遣看守香用官俱與二十年同

又遣官致祭河神祝文由內閣撰擬發太常寺

用白紙糊版黃紙錄邊書所用供品禮神制


帛一白色圓降輿柱香一炷黃連香一炷由太

常寺預備羊一豕二雞豆十簋二簋二白磁


爵三酒一尊燭臺一對由地方官備辦行禮儀

注與祭火神廟同

地祇壇告祭圖北向



地祇壇告祭陳設圖



山川祀典部彙考七

禮記

王制

天子祭天下名山大川五嶽視三公四瀆視諸侯諸侯祭名山大川之在其地者

注視三公視諸侯謂視其饗餼牢禮之多寡以爲牲器之數也

月令

孟春之月乃修祭典命祀山林川澤

仲夏之月命有司爲民祈祀山川百源

注泰山之水之源將欲雨故先祭其本源

仲冬之月天子命有司祈祀四海大川名源淵澤井泉

注冬令方中水德至盛故爲民祈而祀之也

季冬之月乃畢山川之祀

禮器

是故因天事天因地事地因名山川升中於天因吉土以養帝於郊升中於天而鳳凰降龜假饗帝於郊而風雨節寒暑時

注名猶大也升上也中猶成也謂巡守至於方嶽燔柴祭天告以諸侯之成功也孝經說曰封乎泰山考績燔燎禋乎梁甫刻石紀號也泰山開方嶽也巡守至於方嶽燔柴祭天告以諸侯之成功也此所謂封禪也太平乃封禪其封禪必因巡守而爲之若未太平但巡守而已其未太平巡守之

時亦燔柴以告之故王制說天子巡守必先柴告太平巡守之時初到方嶽以燔柴告至之後乃考諸侯功績乃封土爲壇更燔柴祭天告諸侯之成功也此唯泰山爲之餘嶽則否其巡守則每嶽皆至也而皇氏云太平乃巡守案詩頌時邁巡守告祭柴望時邁武王之詩而有巡守之禮武王未太平何得云太平乃巡守其義非也孝經說云至刻石紀號皆孝經緯文也封乎泰山者謂封土爲壇在於泰山之上考績燔燎者謂考諸侯功績燔柴燎牲以告天神乎梁甫者禪讀爲壇謂除地爲壇在於梁甫以告地也梁甫是泰山之旁小山也刻石紀號也者謂刻石爲文紀錄當代號謚案白虎通云王者易姓而起必升封泰山何報告之義所以必於泰山何萬物之所交代之處也必於其上何因高告高顯其類故升封者增高也下禪梁甫之基廣厚也刻石紀號者著己之功績以自勸也增泰山之高以報天附梁甫之基以報地或曰封者金泥銀繩或曰石泥金繩封之印璽故孔子曰封泰山觀易姓而王可得數者七十有餘三皇禪於繹擇之山五帝禪於亭亭之三王禪於梁甫之山繹繹無窮之意禪於有德者而居之無窮已亭亭者制度審諦道德著明梁甫者梁信也甫輔也信輔天地之道今案書說禪者除地爲壇而白虎通云禪以讓有德其義非也按史記封禪書齊桓公欲行封禪管仲諫止辭云自古封禪七十二家夷吾所識十有二焉昔有無懷氏封泰山禪云云伏羲氏封泰山禪云云神農炎帝黃帝顓頊帝

帝堯舜禹湯周成王皆封泰山唯禹禪會稽成王禪社首其餘皆禪云云者亦泰山旁小山名也但白虎通與史記禪處不同未知孰是也

欽定古今圖書集成經濟彙編禮儀典

第一百九十五卷目錄

山川祀典部總論

春秋四傳 卷三十一

白虎通 封禪

風俗通 封泰山 漢書 卷八

文獻通考 封禪 卷一百一十五

大學衍義補 國家常祀之禮 卷一百一十五

山川祀典部藝文一

封禪文

漢司馬相如

東巡頌

後漢馬融

四漢祠碑銘

北周王褒

封禪壇頌

唐張說

為齊州父老請陪封禪表

駱賓王

為朝集使于思言等請封中岳表

崔融

勸封禪表

許敬宗

勸封禪表

上官儀

宰相請封禪表

蔣欽緒

禮儀典第一百九十五卷

山川祀典部總論

春秋四傳

僖公三十一年

春秋夏四月卜郊不從乃免牲猶三望

三望分野之星國中山川皆郊祀望而祭之魯

廢郊天而修其小祀故曰猶猶者可止之辭

左傳四卜郊不從乃免牲非禮也猶三望亦非禮也

望郊之細也不郊亦無望可也

公羊傳魯郊何以非禮天子祭天諸侯祭土天子有方望之事無所不通諸侯山川有不在其封內者則不祭也三望者何望祭也然則曷祭祭太山河海為祭太山河海山川有能潤於百里者天子秩而祭之

此皆助天宣氣布功故祭天及之

觸石而出膚寸而合不崇朝而雨天下者唯泰山耳河海潤於千里

亦能通氣致雨潤澤及於千里韓詩傳曰湯時

大旱使人禱于山川是也

猶者何通可以已也何以書譏不郊而望祭也

穀梁傳乃者亡乎人之辭也猶者可以已之辭也

望郊之細也不郊無望可也

胡傳望祭也有虞氏受終而望因於類還守而望因於柴皆天子之事也今魯不郊而望故特書曰猶猶者可以已之詞其言三望何也天子有方望無所不通諸侯非名山大川在其封內者則不祭魯得用重

禮視王室則殺故望止於三比諸侯則隆故河海雖不在其封而亦祭然非諸侯之所得為也

大臨川吳氏曰天子郊祀上帝必望祭山川望祭在郊祀之後因郊而望也魯諸侯也以成王之賜

許用王禮四望闕其一殺於天子然郊禮既廢則望禮可以不舉魯既不郊而猶三望故書以譏其非禮

汪氏曰周官四望蓋望四方今魯三望蓋泰山在魯西海在魯東而河在魯北殺天子之禮也

白虎通

封禪

王者易姓而起必升封泰山何故告之義也始受命之時改制應天天下太平功成封禪以告太平也所以必於泰山何萬物所交代之處也必於其上何因高告高順其類也故升封者增高也下禪梁甫之山基廣厚也刻石紀號者著己之功跡也以自效倣也天以高為尊地以厚為德故增泰山之高以倣天附梁甫之基以報地明天地之所命功成事遂有益於天地若高者加厚厚者加厚矣或曰封者金泥銀繩或曰石泥金繩封以印璽故孔子曰升泰山觀易姓之王可得而數者七十有餘封者廣也言禪者明以成功相傳也梁甫者太山旁山名禪於梁甫何以三皇禪於緹緹之山明已成功而去有德者居之緹緹者無窮之意也五帝禪於亭亭者制度審諦德著明也三王禪於梁甫之山者梁信也甫輔也輔天地之道而行之也太平乃封知告於天必也於岱宗何明知易姓也刻石紀號知自紀於百王也燔祭天報之義也望祭山川祀靈神也詩云於皇時周陟其高山言周太平封太山也又曰廬山喬嶽允猶翕河言望祭山川百神來歸也天下太平符瑞所以來至者以為王者承統理調和陰陽陰陽和萬物序休氣充塞符瑞並臻皆應德而至德至天則斗極明日月光甘露降德至地則嘉禾生蓂莢起柎嚳出太平感德至文表則景星見五緯順軌德至草木朱草生木連理德至鳥獸則鳳凰翔鸞鳥舞麒麟臻白虎到狐九尾白雉降白鹿見白鳥下德至山陵則景雲出芝實茂陵出異丹阜出蓮蓬山出器車澤出神鼎德至湖泉

則黃龍見醴泉通河出龍圖洛出龜書江出大貝海
出明珠德至八方則祥風至佳氣時喜鐘律調音度
施四夷化越裳貢孝道至則以蓮雨者樹名也其葉
大於門額不搖自扇於飲食清涼助供養也繼嗣平
明則寶蓮生於房戶寶蓮者木名連累相承故在於
房戶象繼嗣也日曆得其分度則黃莢生於階間黃
莢樹名也月一日生一莢十五日畢至十六日去莢
故莢階生似日月也賢不肖位不相踰則平路生於
庭平路者樹名也官位得其人則生失其人則死狐
九尾何狐死首丘不忘本也明安不忘危也必九尾
者也九妃得其所子孫繁息也於尾者何明後當盛
也景星者大星也月或不見景星常見可以夜作有
益於人民也甘露者美露也降則物無不盛者也朱
草者赤草也可以染絳別尊卑也醴泉者美泉也狀
若醴酒可以養老嘉禾者大禾也成王時有三苗異
畝而生同爲一穗大凌盈車長發充箱民有得而上
之者成王訪周公而問之公曰三苗爲一穗天下當
和爲一乎以是果有越裳氏重九譯而來矣
風俗通

封泰山神梁父

謹按尚書禮天子巡狩歲二月至於岱宗孔子稱封
泰山神梁父可得而數七十有二蓋王者受命易姓
改制應天下太平功成封禪以告乎也所以必於岱
宗者長萬物之宗陰陽交代賴石而出廣寸而合不
崇朝備雨天下唯泰山乎封者立石高一丈二尺冠
之曰事天以禮立身以義事父以孝成名以仁四守
之內莫不爲郡縣四夷八蠻咸來貢獻與天下無極

人民蕃息天祿未得祭上元尊而祖生魚壇廣十二
丈高三尺階三等必於其上示增高也尅石紀號著
己績也或曰金泥銀繩印之璽下神梁父禮祠地主
去事之殺示增廣也禮謂壇壝當有所與也三皇禪
於繹繹明己功成而去德者居之繹繹者無所指斥
也五帝禪於亭亭德不及於皇亭亭名山其身禪予
聖人三王禪于梁父者信父者子言父子相信與也
孝武皇帝封廣丈二尺高九尺其下有玉牒書祕書
江淮間一茅三脊爲神藉五色土益雜封緘遠方奇
獸飛禽及白雉加祠兕牛犀象之屬其事曰天增授
皇帝泰元神策周而復始皇帝敬拜泰靈其夜有光
如流星畫有白雲起封中於是作明堂汶上令諸侯
各治邸車駕前後五至祠以元鼎六年告封改爲元
封武帝已年四十七矣何緣反更得十八也就若所
云明神福祿必有徵應權時倒讀爲能誕招期乎奉
車子侯驂乘上下臣不預封事何因操印沒石乃止
暴病而死悼惕無已又言武帝與仙人對博碁沒石
中馬蹄迹處于今尚有虛妄若此非一事也予以空
僞承之東嶽泰素六載數聘祈祠咨問長老賢通上
泰山者云謂璽處尅石文昧難知也殊無有金匱玉
牒探壽之事春秋以爲傳聞不如親見見之人斯爲
審矣傳曰五帝聖焉死三王仁焉死五伯智焉死其
陷落崩斃之日不能咸至百年詩云三后在天論語
曰古皆沒太史記黃帝葬於橋山騎龍升天豈不惟
乎鳥號弓者柘桑之林枝條暢茂鳥登其上下垂著
地鳥適飛去後從獵殺取以爲弓因名鳥號耳
文獻通考

封禪

司馬彪論自上皇以來封泰山者至周七十二代易
姓則改封者著一代之始明不相襲也繼世之王巡
狩則有修封以祭而已自秦始皇孝武帝封泰山本
因好仙信方士之言及造石檢即封之事也天道質
誠約而不費故性用儉器用陶甕始將無事于檢封
之間而樂難攻之石也夏少康周宣由廢復興不聞
改封光武欲因孝武故封而梁松固爭以爲必改乃
當天意既封之後未有能嗣而松卒被誅死雖罪由
身作蓋亦誣神之咎也且帝王所以能大著於後者
實在其德加於人不聞其在封矣崔靈恩曰自周以
前封者皆封土爲壇至秦皇漢武始用石檢袁宏曰
夫揖讓受終必有至德於天下征伐革命則有大功
於萬物是故王者初基則有封禪之事蓋以其成功
告於神明者也夫東方者萬物之所始山岳者靈氣
之所宅故求之物本必於其始取其所通必於所宅
崇其壇場則謂之封明其代興則謂之禪然則封禪
者王者開濟之大禮也德不周洽不得輒議斯事功
不弘濟不得勢暢斯禮曠代一有其道至高自黃帝
堯舜至於三代各一得封禪未有中修其禮者也雖
繼體之君時有功德此蓋率復舊業增修其前政不
得仰齊造國同符改物者也夫神道真一其用不煩
天地易簡其禮尚質故藉用白茅負其誠潔器用陶
甕取其易從然則封禪之禮簡易可也若夫石函玉
牒非天地之性也
胡氏曰緯書原本於五經而失之者也而尤紊於鬼
神之理幽明之故夫鬼神之神理幽明之故非知道者

不能識斷國論者誠能一決以聖人之經經所不載
 雖有傳書識記屏而不用則庶乎其不謬於理矣登
 封之事原本於柴燔而失之者也詩書紀巡狩而柴
 者記所謂祭天也至於岱宗陽其高山云者記所謂
 因名山也有山則因以爲高無則於郊而壇其義類
 一也又有大事而告於上帝者武王克商始有天下
 故柴望而告也舍此則漢矣記以饗帝於郊與升中
 於天爲二事則傳者之失也然則七十二君之編錄
 詩書禮典略不經見審有是事乃天下國家之盛舉
 幾身焉湯文武成康昭宣皆身致太平安得闕而不
 講故前世論登封者莫善於許惲惜乎世祖之臣智
 不及此陷其君於過舉而不得聞也且世祖享國至
 是已三十年四垂無虞中土寧謐其心浸滿是以告
 功皇天明示得意而不自知其多失也不法唐虞三
 代而法始皇武帝一失也後漢文九世當封禪則孝
 成之世今乃自綴於元帝而制去成哀平三君二失
 也王檢祿文人不得見是必祈求末年二失也前年
 拒羣臣之請謂百姓怨氣滿腹吾欺天乎豈有治天
 下三十年民怨未除後兩歲即已厭洽此四失也
 勅戒郡縣有上海稱美者必免令屯田詔蠲米乾乃
 自令梁松等討論故事此五失也奉高后配地祇未
 幾黜降廟主歸於廢闕此六失也即位改元終身不
 可改而又改之此七失也凡此七者人君舉動之大
 節而疵病如此惜乎光武勇智出倫而學問不足也
 光武年及耳順方建中元則意在久生不言而自見
 矣其視向者對宗族乞復之言壽陵逸典之節即已
 大異則微所謂人心無常詎不於哉

祀山川

陳氏曰天子四望達於四方養三望泰山河海而已
 書曰海岱及淮維徐州諸侯之望皆其境內之名山
 大川也望雖以名山大川爲主而其實兼上下之神
 故詩於柴望言懷柔百神及河喬嶽周禮於望言
 祀而不言祭又典瑞四望與山川具玉大司馬四望
 與山川具樂左氏曰望郊之細也又曰望郊之屬也
 公羊曰方望之事無所不通則望兼上下之神可知
 矣鄭司農釋大宗伯曰四望日月星海杜預釋左傳
 曰望配分野之星及封內山川許慎曰四望日月星
 辰河海太山其說蓋有所受之也鄭康成釋大宗伯
 曰四望五嶽四瀆釋大司馬又兼之以司中司命風
 伯雨師舞雩師又以四望爲四方其言異同不可考
 也望之禮有二而其用不一男巫掌望祀望衍鄭氏
 謂衍爲延謂望祀有牲與黍稷望衍用幣致神而已
 然鄭氏於大祝衍祭亦以爲延祭禮文殘缺不可考
 也望祀或設於郊天之後或設於巡狩之方或旅於
 大故之時則望有常有不常之祀也崔靈恩謂四望
 之祭歲各有四不知何據然也望祀其兆四郊其牲
 各放其方之色其樂姑洗南呂大磬其玉南圭有邸
 其服鷩冕其位亦以辨之而植表於其中周禮所謂
 旁招以範言諸所謂非總設表望是也
 大學衍義補

國家常祀之禮

舜典望于山川
 周禮大宗伯以血祭祭五嶽以狸沈祭山林川澤
 小宗伯之職兆五帝於四郊四望亦如之兆山川丘

禮壇衍各從其方

司服王祀四望山川則雩見
 大司馬乃妻姑洗歌南呂舞大磬以祀四望乃奏鼙
 實歌而鍾舞大夏以祭山川
 臣按所謂四望者蓋以五嶽四瀆四瀆乃天下山
 川之大者天子兼有天下之大不能親臨其地故
 遙望而祭之也若夫所謂山川者禮所在而有則
 各隨其地而祭之焉本朝郊壇之外既各爲壇以
 分祭五嶽四瀆四瀆又於郊壇之右以專祀
 之初春大祀則從享於天地仲秋報祀天子乃躬
 獻於其壇焉是則所謂四望之祭也又列南京禮
 山之神北京天壽山之神與之同壇而祭所謂山
 川之祭也又於凡天下藩府郡縣既立山川壇
 祭其一方之山川又兼其山林川澤之有名者以
 專祀之使有司躬蒞其所在祀焉
 禮記王制天子祭天下名山大川五嶽視三公四瀆
 視諸侯諸侯祭名山大川之在其地者
 月令孟春之月乃修祭典祀山林川澤
 仲冬之月天子命有司祈祀四海大川名源淵澤并
 泉
 季冬之月乃畢山川之祀
 禮書晉人將有事於河必先有事於懸池齊人將有
 事於泰山必先有事於肥林
 學記三王之祭川也皆先河而後海
 臣按鄭司農釋周禮四望以爲日月星海鄭元謂
 禮無祭海之文考周禮鐘虡及觀學記謂三王祭
 川先河後海則是海之祭三代已有矣烏可謂無

二、人、區、書、集、方、

祭海之禮乎中國之地在三代不出九州之外惟揚徐青冀四州濱海而已四海惟東北濱中國而南海北海則越在荒服之外自漢以後南越始入中國而有南海然西海竟不知所在故今祀東海於登州祀南海於廣州二祀皆臨海面祭西海則望祀於蒲州北海則望祀於懷慶夫宋都汴梁而懷慶在其北是時失幽燕而以白溝河爲界無緣至遼瀋之域出國門而北望以祭之可也國初都金陵因之以祭亦不爲過若今日建都於燕往南而祭北海豈天子宅中以臨四海之義哉且古謂青州爲北海郡青去登不遠猶以是名今京師東北乃古碣石滄海之處於此立祠就海而祭於勢爲順於理爲宜況今北鎮營無閭山在於遼海山既可以爲北鎮川獨不可以爲北海乎若夫中國之正西在於秦隴西南則蜀稍南則滇也滇之極西百夷之外間有大海通西南夷此地在前代未入中國今既爲屬康之地則王化之所及也宜於雲南望祀之如此則四海之祀皆在吾域中矣議禮之事非臣下所敢專者謹條愚見以俟采擇焉

春秋僖公三十有一年夏四月猶三望

公羊傳曰天子祭天諸侯祭土天子有方望之事無所不通諸侯山川有不在其封內者則不祭也三望者何望祭也然則曷祭泰山河海曷爲祭泰山河海山川有能潤於百里者天子秋而祭之觸石而出膚寸而合不崇朝而雨雨乎天下者惟泰山耳河海潤於千里

左氏傳昭公元年鄭子產曰山川之神凡水旱癘疫之災於是乎禱之

哀公六年楚王曰三代命祀祭不越望江漢睢漳楚之望也

朱熹曰諸侯祭山川只祭得境內者如楚王病卜云河爲祟時諸大夫欲去祭河昭王自意楚之分地不及於河河非所以爲祟孔子所以美之云楚昭王知天道矣其不失國也宜哉還便見得非境內山川與我不相關自不當祭之

臣按朱熹謂非境內山川與我不相關自不當祭之今東嶽行祠遍天下除京師及齊魯之境外有其祠者皆當革去蓋鬼神不享非體孔子所謂會爾泰山不如林放正此意也

劉向曰五嶽者何謂也泰山東嶽也霍山南嶽也華山西嶽也常山北嶽也嵩高山中嶽也五嶽何以視三公能大布雲霧焉能大飲雲雨焉施德博大故視三公四瀆者何謂也江河淮濟也四瀆何以視諸侯能薄澤垢濁焉能通百川於海焉能出雲雨千里焉爲施甚大故視諸侯也山川何以視子男也能出物焉能潤澤物焉能生雲雨爲恩多然品類以百數故視子男也

臣按自古所以祀五嶽四瀆山川者皆以其能出斂雲雨也出雲雨則便不至於旱曠斂雲雨則便不至於淫潦無非欲其生五穀五穀熟而人民育則君位安矣

漢宣帝神爵元年詔太常曰夫江海百川之大者也今闕焉無祀其令祠官以禮爲歲事以四時祠江海

維水祈爲天下豐年焉

臣按後世祀海始於此

隋制祀四鎮東鎮沂山西鎮吳山南鎮會稽山北鎮醫無閭山冀州鎮霍山

臣按鄭元註周禮四望有五嶽四鎮四瀆後世祀典止有五嶽四瀆而無四鎮至是始祀之而又以冀州霍山爲中鎮是爲五鎮

唐武后萬歲通天元年封華嶽爲金天王元宗開元十三年封東嶽爲天齊王天寶九載封中嶽爲中天王南嶽爲天王北嶽爲天王十六載封四瀆俱爲公十八載封四海俱爲王五鎮俱爲公

宋真宗大中祥符五年加五嶽以帝號東嶽曰齊天仁聖帝南嶽曰司天昭聖西嶽曰金天順聖北嶽曰安天元聖中嶽曰中天崇聖

臣按有此天地即有此山川有此山川則有所以主之者是則所謂神也世俗乃以三月二十八日爲嶽神初度之辰嗚呼自天一生水凝而爲山其所以凝而成形也亦有時日耶此無稽之甚也甚者賦於釋氏地獄之說謂人死其魂皆必經嶽祠考掠而有二十四衆之像其說尤爲不經乞下有司屏除毋傳得以惑世欺民

國朝洪武三年太祖皇帝詔略曰永惟爲治之道必本於禮考諸祀典如五嶽五鎮四海四瀆之封起自唐世崇名美號歷代有加朕思之則有不然夫嶽鎮海瀆皆高山廣水自天地開闢以至於今英靈之會皆受命上帝幽微其測豈國家封號之所能加禮經莫此爲甚夫禮所以明神人正名分不可以僭

差今命依古定制凡嶽鎮海濱並去其前代所封之號止以山水本名稱其神

臣按我聖祖此詔可謂考諸三王而不繆實諸鬼神而無疑百世以俟聖人而不惑一簣千古之澤臣知上帝在天之靈必有以備在於冥冥之中而山川鬼神亦莫不各受其職矣百年以來雨暘時若物阜民安國祚萬年之靈長燭有在於茲矣

內外羣祀之禮

周禮大宗伯以饌沈祭山林川澤以福事祭四方百物

臣按大宗伯既以血祭祭五嶽又以饌沈祭山林川澤蓋五嶽名山乃大祀而山林川澤能興雲雨見怪物者其羣小祀歟孔氏以之解舞典羣神有所自也

祭法四坎壇祭四方也山林川谷丘陵能出雲爲風雨見怪物皆曰神有天下者祭百神諸侯在其地則祭之亡其地則不祭

臣按祭法謂山林川谷能出雲爲風雨曰神則是合山川雲風雨而爲一也可見山川者雲風雨之體而雲風雨者山川之用也本朝合風雲雷雨與五嶽四鎮四瀆四海同一壇總名之曰山川壇殆有合於祭法所謂神歟

祭告祈禱之禮

文中子曰封禪非古也其秦漢之傷心乎

梁天監中有請封禪者著作佐郎許懋建議曰舜桀宗是爲巡守而鄭元引孝經鉤命決云封於泰山考績燔燎禱於梁父刻石記號此緯書之曲說七十

二君燧人之前世質民淳安得泥金檢玉結繩而治安得鐫文告成亦徒矣若聖主不須封禪若凡主不應封禪秦始皇嘗封泰山孫皓嘗封國山皆由主

好名於上而臣阿旨於下非盛德之事不可爲法也臣按封禪之說詩書禮典略不經見審有是事乃天下國家之盛舉舜禹湯文武成康皆身致太平安得闕而弗講所謂七十二君者果何代何人哉先儒有言養生至於長生不死爲國至於祈天求命皆有是理然人未有能爲之者縱爲之然亦

不出乎身心日用之間非必由乎服食藥物徵求鬼神而後致之也然自秦漢以來千餘年矣有國家者未見一人過百年而不死者亦未有一國踰千年而不亡者則是有此說而無此事明矣是故明君欲求壽年之末莫若寡欲欲得國祚之延莫若愛民寡欲而至於全其天愛民而至於過其曆真誠有是理亦真誠有是事嗚呼世主所以甘心於不賞之費而行封禪之禮者以有秘祝之求也誠知此理反之於心知其必無驗之於古知其無效則自不爲矣

山川祀典部藝文一

封禪文

漢司馬相如

伊上古之初肇自顓臾生民歷選列辟以迄乎秦率通者踵武迷離者風聲紛紜輪輶輶輶而不稱者不可勝數也繼昭夏景號諡略可道者七十有二君罔若叔而不昌嚙逆失而能存軒轅之前遐哉邈乎其詳不可得聞已五三六經載籍之傳惟見可觀也書曰元首明股肱良哉因斯以讓君其盛於唐堯臣莫賢於后稷后稷創業於唐公劉發迹於西戎文王改制周邦隆大行越成而後稷夷齊微子亡聲豈不善始善終哉然無異端憤所由於前謹遵教於後耳故軌述夷易易遵也謹思慮洪易豐也憲度著明易則也垂統理順易繼也是以業隆於繼繼而崇冠於二后投厥所元終都攸率未有殊尤絕述可考於今者也然猶瞻爾聖南登泰山建顯號施尊名大漢之德達滂原泉湧溢曼夷旁魄四塞雲布霧散上暢九垓下沂八埏懷生之類霑濡浸潤協氣橫流武節森遙爾陞游原迴澗泳沫首惡鬱沒開昧昭晰昆蟲凱澤回首面內然後罔瞻虞之珍羣徵虞鹿之怪獸導一莖六穗於庖饗雙鶩共抵之歡獲周餘放絕於岐招翠黃乘龍於沼鬼神按置圍寶於開館奇物隨說假僂窮變欲哉符瑞臻茲蒼蒼以爲薄不敢道封禪蓋周鼎魚鬣航休之以燎薇夫斯之爲符也以登介丘不亦忍乎進讓之道何其爽與於是大司馬進曰陛下仁育羣生義征不譴諸夏樂貢百蠻執轡俾往初功無與二休烈波洽符瑞來機期應絡至不特創見意者泰山梁父設壇場望幸蓋號以況榮上帝

古今圖書集成

垂恩儲社將以成陛下謙讓而弗發也聖三神之
靈缺王道之儀羣臣愚焉或謂且天為質簡示珍符
固不可辭若然辭之是泰山靡記而樂父罔蔑也亦
各並時而榮成濟康世而別說者尚何稱於後而云
七十二君乎夫修德以錫符率符以行事不為進越
故聖王弗替而修德地祇謁欲天神勸功中微以章
至符符盛德發榮號受厚福以浸黎民也聖皇哉斯
事天下之壯觀王者之卒業不可貶也願陛下全之
而後因難薦紳先生之略術使獲耀日月之末光紀
矣以履采錯事曾發正列其義被飾厥文作春秋一
統將變六為七據之無窮傳萬世得激清流揚微
波蓋英聲騰茂實前聖之所以末保鴻名而常為稱
首者用此宜命章故悉奏其儀而覽焉於是天子沛
然改容曰俞乎朕其試哉乃還恩回慮總公卿之議
陶封禪之事詩大澤之博廣符瑞之富乃作頌曰自
我天覆雪之油油甘露時雨厥壤可遊茲液涉澆何
生不有嘉穀六穗我稽焉舊匪唯雨之又潤澤之匪
唯濡之祀布漫之萬物熙熙懷而慕思名山顯位聖
君之來君兮君兮侯不遇哉般般之歡樂我君罔白
賀黑章其儀可喜敢收穆穆君子之慈蓋聞其聲今
視其來厥聖德從天瑞之微茲爾於舜虞氏以興澤
澤之麟遊彼靈時孟冬十月君徂郊祀馳我君與帝
用享社三代之前蓋未嘗有宛宛黃龍與焉而升采
色炫燿煥炳煌煌正陽顯見覺寐寐寐於傳載之云
受命所乘厥之有章不必詳詳依類託寓論以封禪
披執觀之天人之際已交上下相發允答聖王之德
統統實真也故曰典必虛妄妄必愚危是以湯武至

傳嚴不失肅祇祥在假典顧省厥遺此之謂也

東巡頌

後漢馬融

允迪在昔紹烈陶唐殷天東克搖光若時則運璽衡
數六典經八成肆類乎上帝實榮乎三辰禮祀乎六
宗祇禋乎羣神遂發號舉司司戒百工卜筮稱吉著
龜襲從南征有時焉相告祥清夷道而後行禮四國
而揚光展聖義於巡狩喜時而味八荒指宗嶽以
為期因岱神之所望散靈輿越異辰辰植楨增構
烈火燔燔輝四燭炎燭燭天蕭香拜升青煙冒雲
珪璋峨峨犧牲潔純鬱鬱宗彝明水元錦空桑孤竹
咸池雲門六八匪變神祇並存

四瀆祠碑銘

北周王褒

靈祠嶽立貝闕雲浮淑寧麗惟勢繁神遊姬嬴分國
河渭合流桃花春水靈草孤洲瀟湘河曲汾陰雕壤
亂流不度龍門難上河魚送迎江妃來往水關通跡
山臨高掌智以藏往神以知來榮光離合雲氣徘徊
水仙遺操津吏餘杯波息川后浪靖瞻臺

封禪壇頌

唐張說

皇唐六葉開元神武皇帝再受命致太平乃封岱宗
禪社首鑒石紀號天文煥發儒臣志美立禡祠壇曰
厥初生人俾有君臣其道茫昧其氣朴略因時獻起
與運而紛落浪浪沒沒而無聞焉爾後聖人取法象
立名位未幾以等之甲兵以定之於是禮樂出而書
記存矣究其源致教乎天地報其本致美乎鬼神則
封禪者帝王受天命告成功之為也聞靈聖之與訓
考列辟之通術瞻若天而不成易背道而靡失由是
推之封禪之義有三帝王之略有七七者何傳不云

乎道德仁義禮智信順之稱聖哲逆之號在悖三者
何一位當五行圖錄之序二時會四海昇平之運三
德具欽明文思之美是謂與天合符名不死矣有一
不足而云封禪人且未許其如天何言舊史者君其
道於陶唐舜禹臣其德於卓陶稷禹三臣備德皆有
天下仲尼叙帝王之書繫魯泰之誓明魯祀周公用
王禮泰承伯益接周統孔聖微旨不其效歟然泰定
天下之功高享天祿之日淺天而未忘庭堅之德也
故大命復集於皇家天之贊唐不惟舊矣其與之也
元重啓追黃祇願懷應歸運以義舉無來蘇以利見
復也無放夏之惡武也無伐殷之戰高祖創業四宗
重光有德格天漏泉蒸雲濡露函養滋育氣氤氳照
若天地之覆載日月之照臨溥有形而希景轍無外
而宅心百有八年於茲矣皇帝懷內難而啓新命戴
磨宗而續舊服宇宙更闢朝廷始位蓋義軒氏之造
皇圖也九族敦序百姓昭明萬邦咸和黎民於變立
土圭以步曆革銅渾以正天蓋唐虞氏之張帝道也
天地四時六官著禮井田三壤五圻成賦廣九廟以
尊祖定六律以和神蓋三代之設王制也武緯之文
經之聖謨之神化之然猶戰戰兢兢日慎一日約規
誨以進德遂忠良以代工講習乎無為之書討論乎
集賢之殿寵勇爵貴經門翼乎鸞鳳之列在庭親乎
隄鯨之師居鄙人和傍威神寶查至乾符坤珍千品
萬類超圖軼朕未始聞記我后以人瑞為心不以物
瑞為意王公卿士儼然進曰休哉陛下孝至於天故
合於道前年祈后土人獲大機間歲祀圓丘日不卷
朔威祥以祚聖因事以觀天天人文交合其則不遠意